

MALAYSIA
DEWAN RAKYAT
ATURAN URUSAN MESYUARAT
NASKHAH SAHIH/BAHASA MALAYSIA

<http://www.parlimen.gov.my>

HARI RABU, 23 OKTOBER 2013, PUKUL 10.00 PAGI

Bil. 27

PERTANYAAN-PERTANYAAN BAGI JAWAB LISAN

1. PR-1313-L59065
Dato' Shamsul Anuar bin Haji Nasarah [Lenggong] minta **MENTERI DALAM NEGERI** menyatakan :-
 - (a) jumlah terkini pendatang asing yang direkodkan datang ke negara ini; dan
 - (b) jumlah anggaran pendatang asing yang tidak dapat dikesan berada di negara ini. Apakah langkah mengatasinya, serta masalah yang dihadapi daripada isu ini terutama di Sabah .
2. PR-1313-L58479
Tuan Ahmad Baihaki bin Atiqullah [Kubang Kerian] minta **MENTERI KESIHATAN** menyatakan berapakah bilangan doktor wanita berbanding lelaki dan adakah ia memenuhi kehendak pelanggan, khususnya golongan wanita yang mahukan khidmat mereka.
3. PR-1313-L58181
Dato' Seri Tiong King Sing [Bintulu] minta **PERDANA MENTERI** menyatakan :-
 - (a) apakah jumlah pengambilan dan peratusan perjawatan kakitangan Kerajaan dari Sarawak melalui permohonan portal Suruhanjaya Perkhidmatan Awam (SPA) bagi tahun 2012-2013; dan
 - (b) apakah piawaian Jabatan Perkhidmatan Awam (JPA) bagi mengemaskini senarai-senarai pengiktirafan kelayakan universiti-universiti luar negara.
4. PR-1313-L58726
Tuan Loke Siew Fook [Seremban] minta **MENTERI DALAM NEGERI** menyatakan jumlah senjata api yang dirampas oleh PDRM daripada penjenayah dari tahun 2008 sehingga terkini mengikut jenis model dan SOP untuk mengendalikan senjata api tersebut.

5. PR-1313-L59042
Datuk Joseph Salang anak Gandum [Julau] minta **MENTERI LUAR NEGERI** menyatakan berkenaan hasil lawatan Yang Amat Berhormat Perdana Menteri ke Amerika Syarikat dan Pertubuhan Bangsa-Bangsa Bersatu baru-baru ini.
6. PR-1313-L57779
Tuan Er Teck Hwa [Bakri] minta **MENTERI PERTANIAN DAN INDUSTRI ASAS TANI** menyatakan jumlah permohonan pinjaman TEKUN Nasional mengikut kawasan Parlimen, berapakah yang sedang diproses, telah lulus dan permohonan ditolak setiap tahun daripada tahun 2008-2013. Berapa ramai yang memohon semula setelah permohonan pertama ditolak.
7. PR-1313-L58295
Datuk Jumat bin Idris [Sepanggar] minta **MENTERI PENDIDIKAN** menyatakan :-
 - (a) berapakah bilangan graduan Ijazah Sarjana Muda daripada golongan Bumiputera yang mendapat Kelas Pertama di Institut Pengajian Tinggi Awam tempatan; dan
 - (b) adakah mereka ini dibantu untuk mendapat tempat/pekerjaan/ruang untuk menyumbang kepada negara kerana mereka ini adalah modal insan yang sangat bernilai kepada negara.
8. PR-1313-L57459
Dr. Michael Jeyakumar Devaraj [Sungai Siput] minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan bercadang untuk melakukan pindaan terhadap Akta 134 (Akta Orang Asli 1954) dan menyatakan perkara-perkara yang akan dipindahkan serta perkara baru yang akan dimasukkan ke dalam akta ini.
9. PR-1313-L57163
Tuan Masir Kujat [Sri Aman] minta **MENTERI KEMAJUAN LUAR BANDAR DAN WILAYAH** menyatakan berapakah keluasan tanah NCR/Hak Adat atau bergeran yang terlibat dengan penanaman semula getah atau *mini estate* getah oleh RISDA di pedalaman Sri Aman.
10. PR-1313-L58208
Raja Dato' Kamarul Bahrin Shah [Kuala Terengganu] minta **MENTERI KERJA RAYA** menyatakan adakah Kerajaan bercadang untuk mengumumkan atau menyenarai hitamkan perunding atau pemborong-pemborong yang di dapati terbabit atau bersalah dalam kerja-kerja bangunan yang runtuh dan rosak supaya tidak mendedahkan orang ramai kepada risiko-risiko bahaya kerja-kerja akan datang.

11. PR-1313-L58255
Dr. Noor Azmi bin Ghazali [Bagan Serai] minta **MENTERI PERDAGANGAN ANTARABANGSA DAN INDUSTRI** menyatakan apakah persediaan dan perancangan kerajaan untuk memanfaatkan TPPA sekiranya perjanjian ini dipersetujui dan ditandatangani.
12. PR-1313-L57288
Tuan Oscar Ling Chai Yew [Sibu] minta **MENTERI KESIHATAN** menyatakan bila "sole dispensing right" akan diberikan kepada ahli farmasi. Adakah Kementerian berhasrat untuk menguatkuasakan dasar untuk menyelaraskan bonus skim yang diberikan oleh syarikat ubat kepada kedai farmasi dan klinik.
13. PR-1313-L57792
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan apakah usaha yang dilakukan oleh Kerajaan untuk mengekang penglibatan pekerja sektor awam di dalam gejala rasuah terutamanya bahagian yang melibatkan pengagihan projek.
14. PR-1313-L57511
Puan Alice Lau Kiong Yieng [Lanang] minta **MENTERI PENDIDIKAN** menyatakan :-
 - (a) bilangan guru yang sedang menanti penempatan atau jumlah guru yang tidak mendapat pekerjaan dan apakah perancangan Kementerian untuk menyelesaikan masalah pengangguran guru; dan
 - (b) bilangan guru di Sibu dan Sarawak serta sama ada bilangan guru mencukupi di Sarawak memandangkan masih banyak sekolah berhasrat untuk mengambil guru sementara/sandaran.
15. PR-1313-L57990
Puan Rubiah binti Haji Wang [Kota Samarahan] minta **MENTERI PERTANIAN DAN INDUSTRI ASAS TANI** menyatakan adakah Kementerian merancang untuk membina sebuah Pusat Pengumpulan dan Penjualan Ikan di kawasan Asajaya.
16. PR-1313-L57110
Dr. Haji Izani bin Haji Husin [Pengkalan Chepa] minta **MENTERI KESIHATAN** menyatakan tahap keberkesanan methadone dalam perawatan penagihan dadah dan berapakah kos keseluruhan yang telah digunakan Kementerian untuk tujuan tersebut.
17. PR-1313-L58787
Tuan Liang Teck Meng [Simpang Renggam] minta **MENTERI PERDAGANGAN ANTARABANGSA DAN INDUSTRI** menyatakan sebab dan langkah untuk meningkatkan peratusan pemerdagangan antara Jepun dan Malaysia di mana peratusan telah menurun berbanding dengan suku yang sama tahun 2012.

18. PR-1313-L58507
Tuan Wong Ling Biu [Sarikei] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah-langkah yang telah dan akan dilaksanakan untuk membantu golongan wanita yang menceburi dalam bidang profesional demi meningkatkan taraf hidup golongan wanita di negara ini. Apakah jenis-jenis bantuan yang diberikan demi meningkatkan taraf hidup golongan wanita di negara ini. Apakah jenis-jenis bantuan yang diberikan oleh Kerajaan untuk membantu golongan wanita dalam kerjaya mereka.
19. PR-1313-L57336
Tan Sri Datuk Seri Panglima Joseph Pairin Kitingan [Keningau] minta **MENTERI PENDIDIKAN** menyatakan sama ada dalam usaha meningkatkan jumlah bilangan guru-guru terlatih di Sabah, dipastikan sebahagian besar dari tambahan itu adalah anak negeri tempatan Sabah.
20. PR-1313-L58758
Tuan Julian Tan Kok Ping [Stampin] minta **MENTERI KEWANGAN** menyatakan bahawa Composite Technology Research Malaysia (CTRM) pernah membeli Columbia Aircraft Manufacturing Corporation pada 2003 dengan harga USD 50 juta dan pada 2007 menjual kepada syarikat Textron pada harga USD 26.4 juta. Nyatakan secara terperinci butir-butir yang mendorong pembelian syarikat tersebut dan kenapakah ianya gagal mencapai maklumat yang ditentukan.
21. PR-1313-L58580
Dato' Noraini binti Ahmad [Parit Sulong] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah kes penderaan wanita dan kanak-kanak bagi tempoh 6 bulan terakhir dan apakah langkah-langkah dan tindakan pihak kementerian dalam mendidik masyarakat agar kes-kes yang membabitkan wanita dan kanak-kanak dapat dihindarkan.
22. PR-1313-L57953
Puan Kasthuriraani a/p Patto [Batu Kawan] minta **MENTERI KEWANGAN** menyatakan sebab mengapa wang simpanan KWSP tidak boleh dikeluarkan untuk melangsaikan hutang pendidikan, perubatan atau penggunaan peribadi seseorang untuk mengurangkan beban kehidupan harian berdasarkan laungan YAB. Perdana Menteri "Rakyat Didahulukan".
23. PR-1313-L58577
Datuk Dr. Makin @ Marcus Mojigoh [Putatan] minta **PERDANA MENTERI** menyatakan berikutan dengan pergolakan di Selatan Filipina, apakah persiapan dan tindakan yang dirangka oleh Kementerian bagi menghalang kemasukan pelarian Filipina ke negeri Sabah seperti mana yang berlaku pada tahun 1970-an.

24. PR-1313-L58984
Puan Mas Ermieyati binti Samsudin [Masjid Tanah] minta **MENTERI BELIA DAN SUKAN** menyatakan langkah-langkah yang telah diambil bagi meningkatkan bilangan pendaftaran pemilih bagi Parlimen Belia Malaysia kerana jumlah pendaftaran pemilih pada masa kini kurang memberangsangkan dan terlalu kecil.
25. PR-1313-L58176
Dato' Wira Othman bin Abdul [Pendang] minta **PERDANA MENTERI** menyatakan :-
- (a) adakah Kerajaan akan mengambil tindakan tegas dan keras terhadap penyebar-penyebar fahaman Syiah; dan
 - (b) adakah program pemurnian akidah akan dilakukan terhadap penyebar dan pengikut fahaman Syiah di Malaysia.
26. PR-1313-L57442
Dr. Hajah Siti Mariah binti Mahmud [Kota Raja] minta **MENTERI PENDIDIKAN** menyatakan sama ada kajian mengenai pendidikan matrikulasi atau program asasi pernah dilakukan dan dapatannya. Apakah Kementerian akan meneruskan sistem matrikulasi ini.
27. PR-1313-L58894
Tuan Anuar bin Abd. Manap [Sekijang] minta **MENTERI PELANCONGAN DAN KEBUDAYAAN** menyatakan :-
- (a) apakah langkah-langkah promosi yang sedang dan akan diambil Kementerian dalam menarik pelancong luar untuk melawat negara ini pada tahun hadapan sempena dengan Tahun Melawat Malaysia 2014; dan
 - (b) apakah tahap persediaan Kementerian dalam memastikan ia berjaya.
28. PR-1313-L58803
Dr. Tan Seng Giaw [Kepong] minta **MENTERI DALAM NEGERI** menyatakan faktor-faktor yang menyebabkan wujud penjenayah di negara ini. Apakah langkah-langkah yang diambil untuk mengatasinya.
29. PR-1313-L57599
Datuk Aaron Ago anak Dagang [Kanowit] minta **MENTERI KEWANGAN** menyatakan langkah-langkah Kerajaan bagi mengatasi masalah ketirisan pelbagai subsidi untuk rakyat miskin dan di mana Kerajaan sedar bahawa subsidi itu lebih besar peratusannya dinikmati oleh golongan yang kaya raya.
30. PR-1313-L57642
Tuan Sim Chee Keong [Bukit Mertajam] minta **PERDANA MENTERI** menyatakan jumlah bas yang melanggar undang-undang ikut pecahan syarikat bas, jenis undang-undang yang dilanggar serta tindakan yang diambil antara 2000-2013. Selain itu, juga nyatakan statistik kesalahan “kereta dan van sapu” tak berlesen mengikut pecahan negeri dari 2000-2013.

31. PR-1313-L58131
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan adakah Jabatan Perkhidmatan Awam akan memberi pinjaman tambahan kepada pelajar-pelajar Mesir yang di bawah tajaan pinjaman JPA yang mengikuti saranan Kerajaan agar mereka pulang dan meneruskan pengajian mereka di Institusi Pengajian Tinggi Swasta Tempatan (sekiranya mereka tidak dapat diterima masuk ke Institusi Pengajian Tinggi Awam) memandangkan kos dan yuran pengajian di Institusi Pengajian Tinggi Swasta adalah tinggi melebihi 2 kali ganda daripada yuran pengajian universiti yang mereka terpaksa bayar di universiti Mesir yang mana yuran ini tidak dapat ditanggung oleh mereka.
32. PR-1313-L58863
Dato' Mohd Ariff Sabri bin Abdul Aziz [Raub] minta **MENTERI PELANCONGAN DAN KEBUDAYAAN** menyatakan :-
- (a) langkah yang diambil untuk mengembalikan "vibrancy" industri pelancongan untuk Cameron Highlands di Pahang; dan
 - (b) adakah Kementerian bercadang menghidupkan semula pesta bunga di Cameron Highlands.
33. PR-1313-L59089
Tuan Haji Ahmad Lai bin Bujang [Sibuti] minta **MENTERI PERUSAHAAN PERLADANGAN DAN KOMODITI** menyatakan apakah usaha pihak Kerajaan untuk memastikan pekebun kecil kelapa sawit mendapat bayaran jualan sawit mengikut harga pasaran semasa dan adakah satu penguatkuasaan diwujudkan bagi memantau aktiviti orang tengah yang mengaut keuntungan berganda daripada pekebun kecil dengan menawarkan harga terlalu rendah.
34. PR-1313-L58962
Tuan Nik Mohamad Abduh bin Nik Abdul Aziz [Pasir Mas] minta **PERDANA MENTERI** menyatakan mekanisme yang telah dilakukan untuk memantau status halal dan haram dalam penggunaan perniagaan internet.
35. PR-1313-L57089
Dato' Seri Ong Ka Chuan [Tanjong Malim] minta **MENTERI KEWANGAN** menyatakan adakah kenaikan harga minyak baru-baru ini telah menjejaskan kedudukan golongan seperti nelayan, pengusaha bas sekolah, dan pengusaha bas henti-henti.
36. PR-1313-L58700
Tuan Lim Lip Eng [Segambut] minta **MENTERI DALAM NEGERI** menyatakan statistik terkini orang yang memiliki kad pengenalan berwarna merah mengikut bangsa dan jantina. Adakah Kerajaan sedia memberi kewarganegaraan kepada mereka yang telah tinggal di Malaysia sejak merdeka hinggalah ke hari ini dan sekiranya tidak, mengapa.

37. PR-1313-L57668
Dato' Haji Irmohizam bin Haji Ibrahim [Kuala Selangor] minta **MENTERI PELANCONGAN DAN KEBUDAYAAN** menyatakan :-
- (a) berapakah kadar pengunjung yang datang melancong ke dalam negara pada suku pertama tahun 2013 dan adakah ini dapat menaikkan jumlah pendapatan negara, sila jelaskan mengenai isu ini; dan
 - (b) apakah langkah yang digunakan oleh Kementerian untuk menggalakkan rakyat Malaysia melancong di dalam negara bagi menaikkan taraf industri pelancongan negara.
38. PR-1313-L57102
Tuan Ng Wei Aik [Tanjong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sebab-sebab Akta Pengurusan Strata 2013 (Akta 757) belum dapat dilaksanakan sehingga hari ini dan bagaimana caranya serta usaha-usaha yang akan diambil untuk menangani masalah tersebut.
39. PR-1313-L58541
Tuan Mohamed Azmin bin Ali [Gombak] minta **PERDANA MENTERI** menyatakan apakah sebab Vestigo Petroleum selaku anak syarikat Petronas Carigali tidak terikat dengan peraturan dan garis panduan Petronas Carigali.
40. PR-1313-L58035
Puan Teresa Kok Suh Sim [Seputeh] minta **MENTERI DALAM NEGERI** menyatakan apakah ada mana-mana media cetak didenda kerana menyiarkan laporan yang berunsur perkauman sejak kempen Pilihan Raya Umum pada Mei 2013 sehingga sekarang. Sekiranya ada, berikan maklumat terperinci tentang kesalahan terlibat dan hukuman yang dikeluarkan oleh Kementerian.
41. PR-1313-L58622
Dato' Dr. Mujahid Yusof Rawa [Parit Buntar] minta **MENTERI DALAM NEGERI** menyatakan kos penggunaan *electronic monitoring device* (EMD) kepada mereka yang dikenakan perintah sekatan.
42. PR-1313-L58644
Tuan Manivanan a/l Gowindasamy [Kapar] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) apakah penurunan harga kenderaan seperti yang dijanjikan oleh Kerajaan Barisan Nasional semasa kempen Pilihanraya Umum ke-13, hanya tertakluk kepada kereta nasional sahaja atau juga tertakluk kepada kereta-kereta lain; dan
 - (b) apakah mekanisma yang di guna pakai oleh Kerajaan Barisan Nasional dalam menurunkan harga kereta terutama kereta nasional dan kereta-kereta lain selaras dengan janji manifesto Barisan Nasional pada Pilihanraya Umum ke-13.

43. PR-1313-L57273
Dr. Lee Boon Chye [Gopeng] minta **PERDANA MENTERI** menyatakan status pelaksanaan dan jangkaan kos untuk projek kereta api berkelajuan tinggi (HSR) antara Kuala Lumpur dan Singapura.
44. PR-1313-L57429
Dato' Haji Mahfuz bin Omar [Pokok Sena] minta **PERDANA MENTERI** menyatakan berapakah gaji dan apa-apa bayaran yang telah dibayar kepada ketua pegawai eksekutif Vestigo Petroleum Sdn. Bhd. anak Syarikat PETRONAS Carigali.
45. PR-1313-L58342
Tuan Tony Pua Kiam Wee [Petaling Jaya Utara] minta **MENTERI DALAM NEGERI** menyatakan :-
- (a) mengenai kenyataan Ketua Polis Negara yang menyatakan bahawa 44 senjata api yang didapati hilang oleh Ketua Audit Negara “mungkin telah jatuh ke dalam laut”; dan
 - (b) cara pihak Polis Diraja Malaysia dapat memulihkan imej sedangkan senjata api dan kenderaan di bawah kawalan pihak polis pun boleh hilang tanpa sebarang sebab.
46. PR-1313-L57272
Dr. Lee Boon Chye [Gopeng] minta **PERDANA MENTERI** menyatakan kos keseluruhan mengikut kategori perbelanjaan untuk PRU-13.
47. PR-1313-L58427
Dato' Johari bin Abdul [Sungai Petani] minta **MENTERI DALAM NEGERI** menyatakan berapa jumlah Pegawai dan Pegawai Tak Bertauliah (NCO) dalam Jabatan Penjara Malaysia. Adakah Kerajaan bercadang mempertimbangkan gaji yang mereka terima selaras dengan gaji yang Pegawai Dan Pegawai Tak Bertauliah Polis DiRaja Malaysia nikmati atas pangkat yang sama.
48. PR-1313-L58815
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa jumlah warga emas yang ditempatkan di rumah orang tua di negara ini dan apakah usaha yang telah dilakukan dalam menjaga kebajikan golongan warga emas memandangkan *trend* menghantar ibu bapa ke rumah orang tua semakin serius di Malaysia.
49. PR-1313-L57486
Tuan Jeff Ooi Chuan Aun [Jelutong] minta **PERDANA MENTERI** menyatakan apakah jumlah perbelanjaan bagi melaksanakan kegiatan Global Science and Innovation Advisory Council (GSIAC) sejak penubuhannya pada 2010. Apakah pencapaian setakat ini, termasuk kunjungan dan persidangan terakhir di San Francisco pada September 2013.

50. PR-1313-L57515
Tuan Lim Kit Siang [Gelang Patah] minta **PERDANA MENTERI** menyatakan berapakah jumlah nilai ekuiti yang diperuntukkan untuk bumiputera setakat hari ini, nilai yang masih tinggal dalam tangan bumiputera, dan bagaimana program sedemikian boleh membantu rakyat bumiputera biasa.
51. PR-1313-L58642
Puan Teo Nie Ching [Kulai] minta **MENTERI DALAM NEGERI** menyatakan warga asing yang diberi kewarganegaraan Malaysia dan diberi status bumiputera.
52. PR-1313-L58432
Tuan Teo Kok Seong [Rasah] minta **MENTERI KEWANGAN** menyatakan secara terperinci siasatan dan tindakan yang telah diambil terhadap skandal syarikat FUSION EXCEL INTERNATIONAL yang telah menyebabkan melebihi sepuluh ribu pelaburnya mengalami kerugian yang teruk.
53. PR-1313-L57636
Tuan Gobind Singh Deo [Puchong] minta **MENTERI DALAM NEGERI** menyatakan bilangan kes ragut atau samun dan pecah rumah, dari tahun 2008 sehingga sekarang di kawasan parlimen Puchong dan apa langkah-langkah Kementerian untuk mengurangkan kes-kes seperti ini.
54. PR-1313-L57601
Tuan Hee Loy Sian [Petaling Jaya Selatan] minta **MENTERI KEWANGAN** menyatakan apakah tindakan Kementerian dalam menangani isu bank lelong yang semakin meningkat ini.
55. PR-1313-L58311
Tuan Idris bin Haji Ahmad [Bukit Gantang] minta **MENTERI DALAM NEGERI** menyatakan adakah pihak PDRM hendak mewujudkan guru agama seperti kor agama di dalam Angkatan Tentera Malaysia.
56. PR-1313-L58576
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) berapa jumlah anak-anak syarikat Felda yang dipengerusikan oleh Pengerusi Felda pada masa ini; dan
 - (b) berapakah jumlah elaun yang dibayar oleh Felda kepada Pengerusi Felda setiap bulan dan berapa jumlah elaun yang dibayar kepada pengerusi Felda bagi setiap anak syarikat yang dipengerusi oleh beliau.

57. PR-1313-L57943

Tuan Wong Tien Fatt @ Wong Nyuk Foh [Sandakan] minta **MENTERI LUAR NEGERI** menyatakan apakah bantuan atau kerjasama yang diberi oleh Kerajaan Filipina atau Mindanao untuk mengelakkan berlaku lagi pencerobohan pengganas. Adakah Kerajaan Malaysia atau Kerajaan Sabah masih membuat sebarang bayaran kepada Kerajaan Filipina atau “Kesultanan Sulu” berkaitan dengan tuntutan ataupun kedaulatan terhadap Sabah oleh mana-mana pihak.

ATURAN URUSAN MESYUARAT DAN USUL-USUL

- | | | | |
|----|----------------|---|-------------------------------|
| 1. | (D.R. 11/2013) | Rang Undang-undang Kesalahan Keselamatan (Langkah-Langkah Khas) (Pindaan) 2013 | Bacaan Kali Yang Kedua |
| | | [Menteri Dalam Negeri] | |
| 2. | (D.R. 14/2013) | Rang Undang-undang Penjara (Pindaan) 2013 | “ |
| | | [Menteri Dalam Negeri] | |
| 3. | (D.R. 10/2013) | Rang Undang-undang Kanun Tatacara Jenayah (Pindaan) 2013 | “ |
| | | [Menteri di Jabatan Perdana Menteri] | |
| 4. | (D.R. 12/2013) | Rang Undang-undang Keterangan (Pindaan) 2013 | “ |
| | | [Menteri di Jabatan Perdana Menteri] | |
| 5. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 6. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 7. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 8. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |
| 9. | (D.R. 15/2013) | Rang Undang-undang Lambang dan Nama (Mencegah Penggunaan Tak Wajar) (Pindaan) 2013 | “ |
| | | [Menteri di Jabatan Perdana Menteri] | |

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]

11. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]

12. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asli di Sabah dan Sarawak sepertimana yang terkandung dalam Native Intrepretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan."

Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)